

Ἡμερομηνία ἐκπομπῆς 25-I-62 (ταινία 24)

I.-

" Εὐδοξία "

Ὅθεν πᾶς ἔλ' ἀγλήγορα, μ' ἀργεύ'ς καί τυραννίεις με,
τ' ἐμόν ἢ φῆ ὀλίγον ἔν, ἐβγαίν' κι' ἄλλο κ' εὐρήμ'ς με.

Τ' ἀρνί μ' ἔχω ν' ἐλέπ' ἄτο, κανέναν ἐβδομάδαν,
καί τό φαῖν σό στόμα μου, ἄτο κ' ἔχ' νοστιμάδαν.

Τρία μήνας σόν πρόσωπο μ' κί θά κρούγω νερόν - ι,
ἄς σά χεῖλια μ' κί θά χάνω τό φίλεμαν τ' ἐσόν - ι.

Ρεφραίν.....

Εὐδοξία, Εὐδοξία, τρώγω τ' ἐσά τά φύα,

2.-

" Ἐγώ εἶδα, ἐγάπεσα "

Ἐγώ εἶδα, ἐγάπεσα τ' ἐσά τά νυφαδότας,
ὃ ἦλεν πρίν νά βασιλεύ', κρούς, ἀσπαλίεις τά πόρτας.

Ἐσύ π' εἶεις τ' Ἠλ' τά κόνικινα, τῇ Φέγγονος τ' ἀσπρώτας,
ἐσέν πού ἔχ' τῇ σκύλ' ὃ γιόν, πρέπ' νά κλειδών' τά πόρτας.

Ἐσέν κί πρέπ' τό σπόγγιμαν, ο.υτε καί τά φοριάλια,
ἐσέν πρέπ' σε τό φίλεμαν, ἄρ καί τ' ἐξέμὸν ἐγκάλια.

3.-

" Ἐποῖνες ραιόποτον "

Ἐποῖνες με ραιόποτον καί κρασομεθυσμένον,
ἔπαρ' με σ' ἐγκαλόπο σου, νάί σκύλ' ἀφορισμένον.

Ἐποῖνες με, μιρκόν ἀρνί, ἄμον σασουρεμένον,
τ' ἔρημον τό καρδόπο μου ἄς σῆ σεβτά σ' καμένον.

Ἐποῖνες με μικρόν ἀρνί, τό φωμίν νά γυρεύω,
Μαναστήρια νά λάσκουμαι καί νά καλογερεύω.

4.-

" Ἐγώ σῇ Κάναρ' τό πεγάδ' "

Ἐγώ σῇ Κάναρ' τό πεγάδ' τ' ἀρνί μ' ἀσαρουλεύτα,
ἐνεθεμάτσα ἐγώ ἐμέν, τήν ὥραν ντ' ἐγεννέθα.

Τρώγω ρίζα μ' τρώγω σε, νάί μέλι μ', νάί σικέρι μ',
ἀπόφ' εἶδα σε σ' ὄρομα μ', ἐκοίς' ἄπάν' σό χέρι μ'.

Ἐμέν Σαββέλη λέγνε με, ἀπέσ' σά λειβαδία,
τό τρυγωνόπο μ' ἐκλεφαν, Κρωμέτια σκύλ' παιδία.

5.-

" Ἦλε μ' ἄς σὴν ἀνατολήν "

Ἦλε μ' ἄς σὴν ἀνατολήν, τσιτσέκ' ἄς σά παχτσέδες,
ἀδά σ' ἐμόν τό κάρδοπον, πῶς ἔσκισες κι' ἐσέβες.

Ἐσύ τοῦ Φέγγου ἡ ἀδελφή, τοῦ Ἠλ' ἡ θεγατέρα,
ἐσέν π' ἐλέπ' τήν Κερειήν, κί πάει οὐς τήν Δευτέρα.

Τούρκικον τό πορπάτεμα σ', Ρωμαίτικον ἡ θωρέα σ',
ἄρ Ἰντιαν κι' ἄν ἐποῖνα σε, κ' ἐγέντες δύο Γενέας.